

Superius

O com - bien est heu - reu - se ___ La pei - ne de ce - ler,

9

(alto recomposit)

U - ne flamme a - mou - reu - se, ___ Qui deux coeurs fait brû - ler,

17

Quand cha - cun d'eux s'a - tend d'ê - tre bien tôt ___ con - tent.

**1 combien est heureuse
La peine de celer
Vne flamme amoureuse,
Qui deux cœurs fait brusler,
Quand chacun d'eux s'attend
D'estre bientost content.**

**2 . Làs on veult que ie taise
Mon apparent desir,
En saignant qu'il me plaise
Nouuel amy choisir:
Mais telle fiction
Veult mesme affection.**

Vostre amour froide & lente
Vous rend ainsi discret:
La mienne violente
N'entend pas ce secret:
Amour nulle saison
N'est amy de raison.

Si mon feu sans fumée
Est euident & chauld,
Estant de vous aimée,
Du reste ne m'enchaunt:
Soit mon mal veu de tous,
Et seul senty de vous.

Si femme en ma presence
Autre vous entretient,
Amour veult que ie pense,
Que cela m'appartient:
Car luy & longue foi
Vous doiuent tout à moi.

**3. Que me sert que ie soye
Auec Princes, ou Roy,
Et qu'ailleurs ie vous voye
Sans approcher de moy ?
La peur du changement
Me cause grand tourment.**

Quand par bonne fortune
Serez mien à tout point,
Lors parlez à chacune,
Ie ne m'en plandrai point:
Bien vous pry ce pendant
N'estre ailleurs pretendant.

Helas qu'il fust possible
Que puisses estre moy,
Pour voir s'il m'est penible
Le mal que i'ay pour toy:
Tu prendrois grand pitié
De ma ferme amytié.

Vous semble-il, que la veue
Soit assez entre amis,
Ne me voyant pourueue
De ce qu'on m'ha promis ?
C'est trop peu que des yeux,
Amour veult auoir mieux.

**4. De vous seul ie confesse
Que mon cœur est transi:
Si i'estoye grand' princesse,
Ie diroye tout ainsi:
Si le vostre ainsi fait,
Monstrez le par effect.**